

Գ. Ստեփանյան

ՀՈՅԱԿԱՊ ԱՐԴՅՈՒՆՔՆԵՐ

Սովետական Սոցիալիստական Ռեսպուբլիկաների Միության Պետական պլանային հանձնաժողովի և Կենտրոնական Վիճակագրական Վարչության հաղորդումը 1946—1950 թթ. ստալինյան շորրորդ (հետպատերազմյան առաջին) հնգամյա պլանի կատարման արդյունքների մասին մի անգամ ևս համոզիչ կերպով ցույց տվեց սոցիալիզմի մեծագույն առավելությունը կապիտալիզմի նկատմամբ: Հետպատերազմյան ստալինյան հնգամյակի արդյունքների մեջ մարմնավորված է սովետական ժողովրդի ստեղծագործական խաղաղ աշխատանքը, որն արտահայտում է սոցիալիստական մեծ տերության՝ Սովետական Միության ուժն ու հզորությունը:

Ի տարբերություն նախապատերազմյան հնգամյակների, հետպատերազմյան հնգամյակը սովետական ժողովրդի կողմից կատարվեց իր մասշտաբներով ու ավերածություններով պատմության մեջ աննախընթաց պատերազմից հետո, մի պատերազմ, որը մեր երկրի սոցիալիստական էկոնոմիկային հսկայական վնաս պատճառեց:

Ընկեր Ստալինը 1946 թվի փետրվարի 9-ին Մոսկվա քաղաքի Ստալինյան րնտրական օկրուգի նախընտրական ժողովում արտասանած պատմական ճառում սպառիչ կերպով առաջադրեց ինչպես հետպատերազմյան հնգամյակի, այնպես էլ հետագա ավելի երկարատև ժամանակաշրջանի զարգացման խնդիրները:

«Նոր հնգամյա պլանի հիմնական խնդիրներն են՝ վերականգնել երկրի տուժած շրջանները, վերականգնել արդյունաբերության և գյուղատնտեսության նախապատերազմյան մակարդակը և այնուհետև քիչ թե շատ զգալի չափով դերազանցել այդ մակարդակը: Զիտուելով արդեն այն մասին, որ մոտիկ ժամանակներու վերացվելու է քարտային սիստեմը, հատուկ ուշադրություն պետք է նվիրվի լայն սպառման առարկաների արտադրության ընդլայնմանը, աշխատավորության կենսամակարդակի բարձրացմանը՝ քոլոք ապրանքների գները հետևողականորեն իջեցնելու միջոցով և ամեն տեսակ գիտահետազոտական ինստիտուտների լայն շինարարությանը, որոնք կարող են գիտությունը հնարավորություն տալ ծավալելու իր ուժերը»:

Հետպատերազմյան հնգամյակի կատարման արդյունքները ցույց են տալիս, որ ստալինյան առաջադրանքները կատարված են լիովին և ժամկետից շուտ: Այս փաստը ցույց տվեց, թե ինչպիսի հոյակապ սխրագործություններ կարող է կատարել սովետական հերոս ժողովուրդը, որին ղեկավարում են ժողովուրդների հանճարեղ առաջնորդ ընկեր Ստալինը, բոլշևիկների պարտիան:

1 Ընկեր Ի. Վ. Ստալինի ճառը Մոսկվա քաղաքի Ստալինյան րնտրական օկրուգի ընտրողների նախընտրական ժողովում, 1946 թ. փետրվարի 9-ին: Հայպետհրատ, 1946 թ., էջ 19—20:

Հետպատերազմյան հնգամյակը ժամկետից շուտ կատարվեց և գերակատարվեց բոլոր հիմնական գծերով: Պլանով նախատեսված էր, որ ամբողջ արդյունաբերական արտադրանքը 1950 թվին՝ 1940 թվի համեմատությամբ պետք է տար 48 տոկոսի աճ, փաստորեն այդ աճը կազմեց 73 տոկոս: Արդյունաբերական արտադրանքի հնգամյա պլանը կատարվեց ժամկետից շուտ, 4 տարի և 3 ամսում:

Ամենաարագ տեմպերով աճեց ծանր ինդուստրիան, որի առաջատար ճյուղերի պլանային առաջադրանքները գերակատարված են: Այսպես, օրինակ՝ սև մետաղաձուլության արտադրանքը 1950 թվին 45 տոկոսով գերազանցեց նախապատերազմյան մակարդակը, պլանով նախատեսված 35 տոկոսի փոխարեն, ըստ որում նախապատերազմյան մակարդակի համեմատությամբ չուգունի ձուլումը աճեց 29 տոկոսով, պողպատինը՝ 49 տոկոսով, իսկ դլանվածքի արտադրանքը՝ 59 տոկոսով: Հարավի մետաղաձուլական գործարանները, որ պատերազմի ընթացքում ամբողջովին ավերվել էին, ներկայումս վերականգնված են տեխնիկական նոր բազայի հիման վրա և ավելի շատ մետաղ են տալիս, քան պատերազմից առաջ: Տեխնիկական նոր բազայի հիման վրա վերականգնված է Դոնբասի ածխարդյունաբերությունը, որի արտադրանքը ավելի շատ է, քան պատերազմից առաջ և գերազանցում է պլանային առաջադրանքները: Մերձմոսկովյան ածխային ավազանը, որ լիովին ավերվել էր գերմանացիների կողմից, այժմ 3 անգամ ավելի շատ ածուխ է տալիս, քան պատերազմից առաջ:

Առցիալիստական արդյունաբերության զարգացման կարևոր սկզբունքներից մեկը հանդիսանում է արտադրողական ուժերի ճիշտ տեղաբաշխումը, մեր երկրի բնական հարուստ ռեսուրսների մաքսիմալ օգտագործումը:

Այդ տեսակետից քննորոշ է սովետական Արևելքի և ազգային ռեսուրսիկաների ինդուստրացման ստալինյան պլանը:

Հետպատերազմյան հնգամյակում ծանր ինդուստրիայի զարգացման տեմպերը ՍՍՌՄ արևելյան շրջաններում շատ ավելի բարձր են, քան ամբողջ Սովետական Միության մեջ: Այսպես, օրինակ՝ չուգունի արտադրությունը ընդհանուր 1950 թվին՝ 1940 թվի համեմատությամբ աճել է 2,6 անգամ, պողպատինը՝ 2,7 իսկ գլանվածքինը՝ 2,8 անգամ: Նույնպիսի բարձր տեմպերով է իրականացվել նաև սովետական Արևելքի այլ շրջանների ազգային ռեսուրսիկաների ինդուստրացումը:

Հետպատերազմյան հնգամյակում հաջողությամբ վերականգնվեցին և մեծ վերելք ապրեցին նաև ծանր ինդուստրիայի մյուս ճյուղերը — ածխարդյունաբերությունը, նավթարդյունաբերությունը, գունավոր մետաղաձուլությունը, մեքենաշինությունը և այլն:

Մեքենաշինությունը, որ ծանր ինդուստրիայի ամենահիմնական մասն է կազմում և հանդիսանում է ժողովրդական տնտեսության բոլոր ճյուղերի տեխնիկական հետագա սպառազինման բազան, հետպատերազմյան հնգամյակում հասավ խոշորագույն հաջողությունների: Մեքենաշինության արտա-

1 Տե՛ս ՍՍՌՄ Պետական պլանային հանձնաժողովի և ՍՍՌՄ կենտրոնական վիճակագրական վարչության հաղորդագրությունը ՍՍՌՄ 1946-1950 թվականների չորրորդ (հետպատերազմյան առաջին) հնգամյա պլանի կատարման արդյունքների մասին, «Սովետական Հայաստան» № 90, 1951 թ.:

դրանքը 1950 թվին՝ 1940 թվի համեմատությամբ աճեց 2,3 անգամ, ոստորում պլանային առաջադրանքը գերակատարվեց 17 տոկոսով»¹։

Մեքենաշինական գործարաններում լայնորեն կիրառվում են արտադրության առավել ռացիոնալ մեթոդները՝ հոսքային ավտոմատ գծերը, ավտոմատներով ու կիսաավտոմատներով կատարվող զոդումը, մետաղների արագ մշակման մեթոդները և այլն։

Ծանր ինդուստրիայի ճյուղերի զարգացմանը զուգընթաց, հետպատերազմյան հնգամյակում բուռն տեմպերով աճեցին նաև թեթև արդյունաբերության բոլոր ճյուղերը, որոնք անմիջականորեն արտադրում են լայն սպառման ապրանքներ։

Հնգամյակի ընթացքում թեթև արդյունաբերությունը հիմնական ապրանքատեսակների գծով մեծացավ հետևյալ չափերով. — բամբակեղեն գործվածքների արտադրանքը՝ 2,4 անգամ, լցրդյա գործվածքներինը՝ 2,9 անգամ, կաշվե կոշիկեղենինը՝ 3,2 անգամ, ռեզինե կոշիկեղենինը՝ 7 անգամ։ Այսպիսով, հնգամյա պլանի կատարման շնորհիվ, Սովետական Միության արդյունաբերության բոլոր ճյուղերը աճեցին բուռն տեմպերով։

Անշեղորեն աճեց և զարգացավ նաև մեր երկրի գյուղատնտեսությունը։ Գյուղատնտեսական արտադրանքի գծով՝ նախապատերազմյան մակարդակը զգալի չափերով գերակատարված է։

Հացահատիկի համախառն բերքը 1950 թվին 1940 թվի մակարդակը գերազանցեց 345 միլիոն փոփով, ըստ որում ցորենի արտադրանքի աճը կազմեց 376 միլիոն փոփ։

Հացահատիկային կուլտուրաների բերքատվությունը հնգամյակի ընթացքում բարձրացավ 13 տոկոսով։ Նախապատերազմյան մակարդակի համեմատությամբ զգալիորեն աճեց նաև տեխնիկական կուլտուրաների բերքատվությունը, ինչպես նաև նրանց համախառն բերքը։ Մեծ չափերով ավելացավ գյուղատնտեսության տեխնիկական սպառազինությունը։ Այդ առթիվ կառավարական հաղորդագրության մեջ ասված է. «Տրակտորների թողարկումը 1950 թվին՝ 1940 թվի համեմատությամբ աճել է 3,8 անգամ, կոմբայններինը՝ 3,6 անգամ, տրակտորաքարշ գութաններինը՝ 3,1 անգամ, տրակտորաքարշ շարքացաններինը՝ 5,5 անգամ, տրակտորաքարշ կուլտիվատորներինը՝ 3,1 անգամ»։

Տնտեսական այն մեծ վերելքը, որ կատարվեց մեր երկրում հետպատերազմյան հնգամյակի ընթացքում, արմատապես բարելավեց աշխատավորների նյութական դրությունը։ Աշխատավորների նյութական և կուլտուրական մակարդակի անշեղ վերելքը հանդիսանում է սոցիալիզմի անխախտ օրենքը։

Ժողովրդի բարեկեցության ամենակարևոր ցուցանիշը ազգային եկամտի աճն է։ Հնգամյակի ընթացքում գերակատարվեց նաև ազգային եկամտի աճի պլանային առաջադրանքը. պլանով նախատեսված 38 տոկոսի փոխարեն՝ Սովետական Միության ազգային եկամուտը 1950 թվին՝ 1940 թվի համեմատությամբ աճեց 64 տոկոսով։

¹ Տե՛ս ՍՍՄՄ Պետական պլանային հանձնաժողովի և ՍՍՄՄ կենտրոնական վիճակագրական վարչության հաղորդագրությունը ՍՍՄՄ 1946—1950 թվականների չորրորդ (հետադատելիության առաջին) հնգամյա պլանի կատարման արդյունքների մասին։ «Սովետական Հայաստան» № 90, 1951 թ.։

Հնգամյակի կատարման վերաբերյալ այս և հետագա բոլոր տվյալները վերցված են ՍՍՄՄ Պետական պլանային կոմիտեի և ՍՍՄՄ կենտրոնական վիճակագրական վարչության հաղորդագրությունից։

1950 թվին ազգային եկամտի 74 տոկոսը ստացան Սովետական Միության աշխատավորները, իսկ նրա 26 տոկոսը մնաց պետության, կոլտնտեսների և կոոպերատիվ կազմակերպությունների տրամադրության տակ ու ծախսվեց սոցիալիստական արտադրության ընդլայնման և համապետական ու համաժողովրդական այլ կարիքների համար:

Չնայած տեխնիկայի անընդհատ աճին ու զարգացմանը և արտադրական պրոցեսների մեքենայացմանը, Սովետական Միությունում հնգամյակից-հնգամյակ անընդհատ աճում է ֆանվորների ու ծառայողների թիվը: 1950 թվի վերջին ՍՍՄԽ ֆանվորների ու ծառայողների թիվը կազմում էր 39,2 միլիոն մարդ, որը նախապատերազմյան շրջանի համեմատությամբ 7,700 հազարով ավելի է: Երա հետ մեկտեղ աճեց նաև աշխատավորների եկամուտը: 1950 թվին այդ աճը, 1940 թվի համեմատությամբ, կազմեց 62 տոկոս:

Մեծ չափով ավելացան աշխատավորների նյութական և կուլտուրական մակարդակի ֆարձրացման համար պետության կողմից ծախսվող գումարները: 1950 թվին այդ նպատակով (զանազան կենսաթոշակներ, մանկական հիմնարկներ, սանատորիաների ու հանգստյան տների ուղեգրեր, ուսման վրա կատարվող ծախսեր, ուսանողական թոշակներ և այլն) սովետական պետությունը ծախսել է 120 միլիարդ ռուբլի:

Աշխատավորների նյութական դրույթյան բարելավմանը զուգընթաց, հետպատերազմյան հնգամյակի ընթացքում զգալիորեն բարձրացավ սովետական ժողովրդի կուլտուրական մակարդակը, ավելացավ բոլոր տեսակի ուսումնական հիմնարկներում սովորողների թիվը: Տարրական, յոթնամյա ու միջնակարգ դպրոցներում, տեխնիկումներում և ԲՈՒՀ-երում սովորողների թիվը ավելացավ 8 միլիոնով և 1950 թվին հասավ 37 միլիոնի: ԲՈՒՀ-երում 1950 թվին սովորում էր 1.247 հազար ուսանող՝ 1940 թվի 812 հազարի դիմաց:¹

Հետպատերազմյան հնգամյակի ընթացքում հաջողությամբ իրականացվում էր ընկեր Ստալինի ցուցումը՝ գիտության ասպարեզում հասնել և առաջ անցնել կապիտալիստական երկրներից: «1950 թվին գիտա-հետազոտական հիմնարկների ցանցը 1,5 անգամ զերազանցեց նախապատերազմյան մակարդակը, իսկ այդ հիմնարկների գիտական աշխատողների թիվը, նախապատերազմյան թվի համեմատությամբ, աճեց համարյա կրկնակի չափով: Անցած հնգամյակի ընթացքում մեր երկրում խոշորագույն հայտնագործություններ ու գյուտեր կատարվեցին՝ գիտության ու տեխնիկայի տարբեր բնագավառներում»²

Բարելավվեց նաև ազգաբնակչության նյութական սպասարկումը, լայնորեն ծավալվեց կոմունալ շինարարությունը: այդ նպատակով պետությունը հսկայական գումարներ ծախսեց: Ապրանքների գների սիստեմատիկ իջեցման շնորհիվ հետպատերազմյան հնգամյակում էլ ավելի ընդարձակվեց ու զարգացավ սովետական առևտուրը: Այս բոլոր միջոցառումների շնորհիվ աշխատավորների դրույթյունը արմատապես լավացավ: Հնգամյակի ընթացքում քաղաքներում և քանդակական ավաններում վերականգնված ու նոր կառուցված բնակարանների ընդհանուր տարածությունը կազմում է ավելի քան 100 միլիոն

¹ Տե՛ս «Советская» 1951 թ., № 8:

² Նույն տեղում:

քառակուսի մետր։ Այդ նույն ժամանակամիջոցում դյուղական վայրերում վերականգնված ու կառուցված է 2,7 միլիոն բնակելի տուն։

Հետպատերազմյան հնգամյակի կատարման ու գերակատարման գործում վճռական դեր կատարեցին սառնանովական շարժումն ու սոցիալիստական մրցությունը։

Հնգամյա պլանը ժամկետից շուտ կատարելու համար ծավալված սոցիալիստական մրցությանը մասնակցում էր մեր երկրի ժողովրդական տնտեսության մեջ զբաղված բանվորների ու ծառայողների 90 տոկոսը։ Արդյունաբերության մի շարք ճյուղերում բանվորների կեսից ավելին սառնանովականներ են, արտադրության նորարարներ։

Սառնանովականները պայքարում էին հանուն որակական ցուցանիշների, հանուն արտադրության տեխնոլոգիական պրոցեսի բարելավման, ավելի բարձր որակի ապրանքների թողարկման, հումքի, վառելիքի ու էլեկտրաէներգիայի խնայողության, հանուն սոցիալիստական արտադրության հիսնական միջոցների ռացիոնալ օգտագործման, շրջանառու միջոցների շրջանառության արագացման, ինքնարժեքի իջեցման, աշխատանքի արտադրողականության թարձրացման։

Հետպատերազմյան հնգամյակում սառնանովյան շարժման համար բնորոշ էր նաև արտադրության նորարարների փորձի լայն ընդհանրացումը և դիտության կապը պրակտիկայի հետ։ Նորարարությունը հետպատերազմյան հնգամյակում դարձավ մասսայական երևույթ։

«Հնդամյա պլանի հիմնական խնդիրներն էին՝ վերականգնել երկրի տուժած շրջանները, վերականգնել արդյունաբերության ու դյուղատնտեսության նախապատերազմյան մակարդակը և այնուհետև նշանակալից չափերով գերադանցել այդ մակարդակը։ Մեր մեծ Հայրենիքի նկատմամբ նպարտության զգացումով մենք կարող ենք այսօր ասել, որ հնգամյակի այդ խնդիրները հաջողությամբ կատարվել են»¹։

Հետպատերազմյան հնդամյակի հաջող կատարումը լայն հնարավորություններ ստեղծեց մեր երկրի տնտեսության հետագա հզորացման համար։ Ընկեր Ստալինի առաջարկով ՍՍՌՄ-ի կառավարությունը ընդունեց մի շարք որոշումներ՝ կոմունիզմի մեծ կառուցումների մասին, կառուցումներ, որոնց շնորհիվ Վոլգա, Դոն, Դնեպր և Ամուր-Դարյա գետերի էներգետիկ հսկայական հնարավորությունները ի սպաս են գրվելու երկրի հետագա վերելքին, նյութական, տեխնիկական քաղաքան տեղծելու կոմունիզմի կառուցման համար։

Այդ հոյակապ կառուցումներին մասնակցում են ՍՍՌՄ-ի բոլոր ռեսպուբլիկաներն ու մարզերը։ Ամբողջ սովետական ժողովուրդը՝ ոգևորված կոմունիզմի մեծ կառուցումների փայլուն հեռանկարով, օժանդակում է, որպեսզի ժամանակին և բարձր որակով ավարտվեն ՍՍՌՄ-ի տնտեսության համար վճռական նշանակություն ունեցող այդ կառուցումները։

Նոր հնգամյակում բուռն տեմպերով աճեց նաև Սովետական Հայաստանի էկոնոմիկան, որը հանդիսանում է ՍՍՌՄ-ի էկոնոմիկայի անբաժանելի մասը։ Այն օրինաչափությունները, որոնցով զարգանում է Սովետական Միության տնտեսությունը, բնորոշ են նաև ազգային ռեսպուբլիկաների համար, այդ

¹ Տե՛ս «Սովետական Հայաստան», 7 նոյեմբերի 1950 թ. ընկ. Բուլղանինի զեկուցումը Հոկտեմբերյան սոցիալիստական Մեծ ռեվոլյուցիայի 33-րդ տարեդարձին նվիրված նիստում։

թվում նաև մեր ռեսպուբլիկայի: Հայկական ՍՍՌ էկոնոմիկան — նրա արդյունաբերությունը, գյուղատնտեսությունը, տրանսպորտը, առևտուրը, շինարարությունը և այլն, — ինչպես նախապատերազմյան հնգամյակներում, այնպես էլ հետպատերազմյան հնգամյակում, զարգանում էին ընդլայնված վերատադրության օրենքներով, որը ապահովում է ռեսպուբլիկայի ժողովրդական տնտեսության լուրջ ճյուղերի արտադրության անընդհատ աճը:

Լենինյան-ստալինյան ազգային քաղաքականության անշեղ իրականացման շնորհիվ, դեռևս նախապատերազմյան հնգամյակների ընթացքում Սովետական Հայաստանը, զարգանալով սոցիալիստական ազգերի մեծ ընտանիքում, ցարական Ռուսաստանի հետամնաց գաղութային ծայր երկրից վերածվեց արդյունաբերական ծաղկող ռեսպուբլիկայի:

1940 թվին արդյունաբերության համախառն արտադրանքը 1913 թվի համեմատությամբ աճեց 21 անգամ, էլեկտրաէներգիայի արտադրանքը 1913 թ. 5,1 միլիոն կիլովատ-ժամից 1940 թվին հասավ 395¹ միլիոն կիլովատ-ժամի, արդյունաբերական արտադրանքի տեսակարար կշիռը աճեց ժողովրդական տնտեսության համախառն արտադրանքի մեջ 1913 թվի 23,3 տոկոսի դիմաց 1940 թվին կազմեց 84 տոկոս:

Նախապատերազմյան հնգամյակների ընթացքում Հայկական ՍՍՌ-ում ստեղծվեցին արդյունաբերության բոլորովին նոր ճյուղեր — էլեկտրաարդյունաբերություն, քիմիական արդյունաբերություն, շինարարական արդյունաբերություն, տեքստիլ արդյունաբերություն և թեթև արդյունաբերության մի շարք ճյուղեր:

Դրա հետ մեկտեղ, տեխնիկական նոր բազայի վրա արմատապես վերակառուցվեցին արդյունաբերության հին ճյուղերը՝ գունավոր մետաղաձուլությունը, սնդի ու համի արդյունաբերությունը և այլն:

Նախապատերազմյան հնգամյակների տարիներին Հայաստանի բուլճեփեղները, իրագործելով Լենինյան-ստալինյան կոոպերատիվ պլանը, ռեսպուբլիկայում ստեղծեցին առաջավոր սոցիալիստական գյուղատնտեսություն, որը ապառազինված է աշխարհում ամենաառաջավոր տեխնիկայով: Վերջինիս շնորհիվ պայմաններ ստեղծվեցին ռեսպուբլիկայի գյուղատնտեսության մեջ առաջավոր միջուրինյան ագրոքիմիայի կիրառման համար:

Տնտեսական այս հաջողությունների հիման վրա արմատապես բարելավվեցին ռեսպուբլիկայի աշխատավարձերի նյութական-կուլտուրական կյանքի պայմանները:

Հայրենական Մեծ պատերազմի ընթացքում ռեսպուբլիկայի էկոնոմիկան, կատարելով ռազմաճակատի պատվերները, շարունակում էր զարգանալ:

Այդ տարիներին կառուցվեցին ու գործարկվեցին մի շարք արդյունաբերական խոշոր ձեռնարկություններ, որոնք դարձան ռեսպուբլիկայի մեքենաշինության հիմքը: Դրանց թվին են պատկանում էլեկտրամեքենաշինական գործարանը, կոմպրեսորների և ժամացույցի գործարանները: Այդ նույն ժամանակամիջոցում սկսվեց Հոկտեմբերյանի Կոնսերվի գործարանի, Այսվերդու Քիմիական գործարանի և այլ ձեռնարկությունների կառուցումը:

Հետպատերազմյան հնգամյակի պատմական խնդիրները, որ առաջադրեց ընկեր Ստալինը՝ 1946 թվի փետրվարի 9-ի իր նախընտրական ճառում, հաջոր-

¹ Տե՛ս Հայկական ՍՍՌ 1946 — 1950 թ.թ. հետպատերազմյան հնգամյա պլանը:

լուծված կատարվում են նաև մեր ռեսպուբլիկայում, շնորհիվ միութենական կառավարության և անձամբ լինելը Ստալինի սխտեմատիկ օգնության:

Հնգամյակի առաջին տարում, 1946 թվին, հաջողությամբ ավարտվեց ռեսպուբլիկայի ժողովրդական տնտեսության վերակառուցումը՝ խաղաղ շինարարության պահանջների համեմատ և ժողովրդական տնտեսության վերականգնման ու զարգացման նպատակներով:

Այդ տարիներին Սովետական Հայաստանում կառուցվել ու վերակառուցվել է ավելի քան 50 խոշոր արդյունաբերական ձեռնարկություն:

Իրա շնորհիվ Հայկական ՍՍՌ արդյունաբերության ստրուկտուրայի մեջ կատարվեցին զգալի փոփոխություններ:

Սնայած արդյունաբերության 1-ին ստորաբաժանման ճյուղերի արագ զարգացմանը, նախապատերազմյան հնգամյակների ընթացքում ռեսպուբլիկայում դեռևս չկար լուրջ մեքենաշինարարություն: Հետպատերազմյան հնգամյակում ստեղծվեց մեքենաշինական արդյունաբերություն, որի արտադրանքը ոչ միայն լիովին բավարարում է մեր ռեսպուբլիկայի պահանջները, այլև զգալի չափերով ուղարկվում է նրա սահմաններից դուրս:

Սովետական Հայաստանում այժմ կան մեքենաշինության հետևյալ ճյուղերը. էլեկտրամեքենաշինություն, դազգահաշինություն, գյուղատնտեսական մեքենաշինություն և այլն:

Հայկական ՍՍՌ մեքենաշինությունը, որ Համամիութենական նշանակություն ունի, ներկայումս հաջողությամբ կատարում է կոմունիզմի մեծ կառուցումների պասվները:

Մեքենաշինության համախառն արտադրանքը, նախապատերազմյան ժամանակաշրջանի համեմատությամբ աճել է մոտ 10 անգամ: Մեքենաշինության զարգացման բարձր տեմպերի մասին Հ(բ)Պ 15-րդ համագումարում տված իր գեկուցման մեջ ընկ. Իր. Հարությունյանը ասաց. «Հաշվետու ժամանակաշրջանում հաջողությամբ է կատարվել Հայաստանի Կ(բ)Պ 14-րդ համագումարի ցուցումը՝ մեքենաշինությունն ամեն կերպ զարգացնելու մասին: Արտադրության 1950 թվականի պլանը կատարված է 109,5 տոկոսով, ըստ որում համախառն արտադրանքի թողարկումը 1948 թվականի համեմատությամբ ավելացել է ավելի քան երեք անգամ»:

Մեքենաշինության հետ մեկտեղ, հետպատերազմյան հնգամյակում արագ տեմպերով աճեցին նաև 1-ին ստորաբաժանման մյուս ճյուղերը — էլեկտրաարդյունաբերությունը, գունավոր մետաղաձուլությունը, քիմիական արդյունաբերությունը, շինարարական արդյունաբերությունը և այլն:

Հետպատերազմյան հնգամյակում կատարված ստրուկտուրային փոփոխությունների թվին է պատկանում արդյունաբերության նոր ճյուղերի ստեղծումը (գունավոր մետաղաձուլության նոր տեսակներ, բրդյա գործվածքների արտադրություն, շաքարի արդյունաբերություն և այլն):

Ծանր ինդուստրիայի ճյուղերի վերականգնման և զարգացման անհրաժեշտության մասին՝ Հայկական ՍՍՌ-ի հետպատերազմյան հնգամյակի վերաբերյալ օրենքում ասված էր. «Ապահովել ծանր արդյունաբերության առաջնահերթ զարգացումը, հատկապես հիպոէլեկտրաէներգիայի արտադրություն,

¹ Գ. Ի. Հարությունյան, Հաշվետու գեկուցում Հայաստանի Կ(բ)Պ 15-րդ համագումարում Հ(բ)Պ Կենտրոնական կոմիտեի աշխատանքի մասին, Հայպետհրատ, 1951 թ., էջ 22:

քիմիական արդյունաբերության, գունավոր մետաղաձուլության, մետաղամշակման արդյունաբերության և շինանյութերի արդյունաբերության գծով¹։

Այս առաջադրանքը կատարված է։ Վերևում հիշատակված արդյունաբերական ճյուղերի պլանները կատարվել են ու գերակատարվել։ Ռեսպուբլիկայի պարտիական և տնտեսական կազմակերպությունները հատուկ ուշադրություն են դարձրել էլեկտրաէներգիայի արտադրության և էլեկտրակայանների հզորության հետագա մեծացման վրա։ Քանի որ Հայաստանում առ այժմ չկան էներգետիկ ռեսուրսների ուրիշ լուրջ աղբյուրներ, ռեսպուբլիկայի ինդուստրիալ-ման տեմպերի արագացման համար հիդրոէլեկտրաէներգիան մճռական նշանակություն ունի։

Հետպատերազմյան հնգամյակի ընթացքում հայ ժողովուրդը, «Կ(Բ)Պ Կենտկոմի ղեկավարությամբ իրականացնելով ընկեր Ստալինի ցուցումները՝ Ռեսպուբլիկայի արտադրողական ուժերի հետագա զարգացման անհրաժեշտության մասին, խոշոր նվաճումների հասավ էլեկտրիֆիկացիայի ասպարեզում։

Այս պրոբլեմի լուծումը հետպատերազմյան հնգամյակում ընթացել է երկու ճանապարհով. գոյություն ունեցող էլեկտրակայանների վերակառուցման և վերասարքավորման միջոցով և նոր էլեկտրակայանների կառուցման միջոցով։ Դրա շնորհիվ հետպատերազմյան հնգամյակի տարիներին Սովետական Հայաստանում ավելացավ ինչպես էլեկտրակայանների հզորությունը, այնպես էլ նրանց արտադրած էլեկտրաէներգիայի քանակը։ «Ընթացող հիդրոէլեկտրակայանների կարողությունն ավելացնելու, ինչպես նաև Սևանի հիդրոէլեկտրակայանը գործարկվելու շնորհիվ էլեկտրաէներգիայի արտադրությունը 1950 թվականին համեմատած նախպատերազմյան մակարդակի հետ ավելացավ 2,4 անգամ և գերազանցեց հնգամյա պլանի առաջադրանքը։ Մեծ աշխատանքներ են կատարվել Գյումրիի խոշոր հիդրոէլեկտրակայանի շինարարության գծով՝ ռեսպուբլիկայի էներգետիկ բազան էլ ավելի ընդարձակելու համար»²։

1948 թ. ավարտվեց Սևանի հիդրոտեխնիկական խոշոր կառուցումը, որը համամիութենական նշանակություն ունի։ 1949 թվի հուլիսին Սևանգետի շինարարները ավարտեցին ու գործող էլեկտրակայանների շարքը մտցրին Սևանի էճային հիդրոէլեկտրակայանը։

Մեծ շտաբերով ավելացավ նաև Հայկական ՍՍՌ գունավոր մետաղաձուլությունը, որ հանդիսանում է ռեսպուբլիկայի ժողովրդական տնտեսության առաջատար ճյուղերից մեկը։ Սովետական իշխանության տարիներին Հայաստանի գունավոր մետաղաձուլությունը արմատապես վերակառուցվեց և ներկայումս հենվում է առաջավոր տեխնիկայի վրա, ունենալով զարգացման ընդարձակ հեռանկարներ։ Պղնձահանքի հանույթը Ալավերդում և Շամլուղում հնգամյակի 4 տարիների ընթացքում աճեց մոտ 50 տոկոսով, իսկ պղնձի ձուլումը Ալավերդում նույն ժամանակամիջոցում աճեց 40 տոկոսով։ Ղափանի

¹ Օրենք Հայկական ՍՍՌ Ժողովրդական տնտեսության վերականգնման ու զարգացման 1946 - 1950 թթ. հնգամյա պլանի մասին։

² Հայկական ՍՍՌ Պետական պլանային հանձնաժողովի և փճակադրական վարչության հաղորդագրությունը Հայկական ՍՍՌ 1946 - 1950 թվականների 4-րդ (հետպատերազմյան առաջին) հնգամյա պլանի կատարման արդյունքների մասին։ «Սովետական Հայաստան» № 136, 1951 թ.։

և Շամլուղի մետալուրգները գերակատարեցին պղնձահանքի հանույթի պետական պլանները, բարելավվեց նաև Ալավերդու պղնձածուլական գործարանի աշխատանքը:

1950 թվին մետաղածուլական արդյունաբերության արտադրանքը 1948 թվի համեմատությամբ աճեց 80¹ տոկոսով: Այս նշանակում է, որ գունավոր մետաղածուլության արտադրանքի տարեկան միջին տեմպը կազմեց 40 տոկոս, որը գգալիորեն գերազանցում է ամբողջ արդյունաբերության զարգացման աճի տեմպը:

Քննատելով Հայաստանի մետալուրգների աշխատանքը, ընկ. Հարությունյանը ՀԿ(Բ)Պ 15-րդ համագումարում ասաց. «Ղափանի հանքվարչությունը գերակատարեց կառավարության հատուկ որոշմամբ 1950 թվականի համար սահմանված պլանը, հանքաքարի հանույթը գերազանցելով 12 տոկոսով: Շամլուղի հանքերը նույնպես կատարեցին կառավարության առաջադրանքը և գերակատարեցին հանքաքարի հանույթի 1950 թվականի պլանը: Իր աշխատանքը բարելավեց նաև Ալավերդու Պղնձածուլական գործարանը՝ 1950 թվականի պլանը կատարելով 109 տոկոսով, այդ թվում նաև էլեկտրոլիտային պղնձի պլանը»:²

Հետպատերազմյան հնգամյակում արագ տեմպերով զարգացան նաև ծանր ինդուստրիայի մյուս ճյուղերը՝ քիմիական արդյունաբերությունը, շինանյութերի արդյունաբերությունը և այլն: Այսպես, օրինակ՝ քիմիական արդյունաբերության համախառն արտադրանքը նախապատերազմյան ժամանակաշրջանի (1940 թ.) համեմատությամբ աճեց 5 անգամ, իսկ շինանյութերի արդյունաբերությունը՝ 3,4 անգամ:³

Նույնպիսի բուռն տեմպերով հետպատերազմյան հնգամյակում զարգանում էին նաև 2-րդ ստորաբաժանման արդյունաբերական ճյուղերը՝ սննդի-համի արդյունաբերությունը, տեքստիլ արդյունաբերությունը, թեթև ինդուստրիան և այլն:

Ընկեր Ստալինը առաջադրեց, որ հետպատերազմյան հնգամյակում ծանր ինդուստրիայի վերականգնման և զարգացման հետ մեկտեղ հարկավոր է վերականգնել ու ծավալել նաև թեթև ինդուստրիայի ճյուղերը: Առաջնորդի այս ցուցումը իրականացվում էր ինչպես ամբողջ Սովետական Միությունում, նույնպես և Հայկական ՍՍՌ-ում: Այսպես, օրինակ՝ բամբակեղեն գործվածքների արտադրությունը 1950 թվին՝ 1940 թվի համեմատությամբ աճեց 1,3 անգամ, մետաքսե գործվածքներինը՝ 6,9 անգամ, տրիկոտաժինը՝ 2,4 անգամ, գուլպաներինը՝ 1,5 անգամ և այլն:

Հայկական ՍՍՌ տեղական արդյունաբերությունը և արհեստագործական կոոպերացիան գերակատարեցին հնգամյակի առաջադրանքները 18 տոկոսով: 1950 թվին՝ 1940 թվի համեմատությամբ թիթեղյա ամանեղենի թողարկումը ավելացավ 5 անգամ, մահճակալներինը՝ 2,9 անգամ, սպիտակեղենի տրիկոտաժինը՝ 1,3 անգամ, գուլպաներինը՝ 1,9 անգամ, բամբակյա գործվածքներինը՝ 2,9 անգամ, կոշիկեղենինը՝ 1,8 անգամ:⁴

¹ Տե՛ս ընկ. Գ. Բ. Հարությունյանի ղեկնցումը ՀԿ(Բ)Պ 15-րդ համագումարում, էջ 17:

² Նույն տեղում:

³ Հայկական ՍՍՌ 1946—1950 թվականների չորրորդ (հետպատերազմյան առաջին) հնգամյա պլանների կատարման տվյալները վերցված են ամենուրեք Հայկական ՍՍՌ պլանային հանձնաժողովի և վիճակագրական վարչության հաղորդագրությունից:

⁴ Տե՛ս Հայկական ՍՍՌ Պետական և վիճակագրական վարչության հաղորդումը:

Այսպիսով՝ վերելք ապրեցին ու աճեցին Հայկական ՍՍՌ արդյունաբերության բոլոր ճյուղերը:

Զեռք բերված նվաճումների հիման վրա՝ ՀԿ(Բ)Պ 15-րդ համագումարը որոշեց Հայկական ՍՍՌ արդյունաբերության հետագա զարգացման հեռանկարները: Ռեսպուբլիկայի էկոնոմիկայի հետագա զարգացման մասին ՀԿ(Բ)Պ 15-րդ համագումարի դիրեկտիվների հիմքում ընկած է ստալինյան իդեալ՝ ստեղծել կոմունիզմի նյութական-տեխնիկական բազան:

Այս պրոբլեմի լուծումը կապահովի մեր երկրի ինդուստրացման մակարդակի հետագա բարձրացումը: Ինդուստրացման բարձր տեմպերը է՛լ ավելի մեծ նշանակություն են ստանում սոցիալիզմից աստիճանաբար կոմունիզմին անցնելու ժամանակաշրջանում: Ահա թե ինչու ՀԿ(Բ)Պ 15-րդ համագումարը հանձնարարեց ՀԿ(Բ)Պ Կենտկոմին և ռեսպուբլիկայի կառավարությանը՝ շարունակել ավելի ևս զարգացնել Հայկական ՍՍՌ ժողովրդական տնտեսության առաջատար ճյուղերը:

Այս առթիվ համագումարի ընդունած բանաձևի մեջ ասված է. «Հաշվի առնելով ռեսպուբլիկայի հարաճում, պահանջն էներգետիկ բավարար բազայով ապահովելու բացառիկ կարևորությունը, համագումարը պարտիական կազմակերպությունների կարևորագույն խնդիրն է համարում՝ Գյումուշի հիդրոէլեկտրակայանի շահագործման հանձնելը ավելի կարճ ժամկետում և, կառավարության որոշմանը համապատասխան, նախագծա-հետախուզական ու շինարարական աշխատանքների ծավալումը Արզնիի, Քարվանսարայի, Այրումի հիդրոէլեկտրակայանների և Սիսի գետի էլեկտրակայանի գծով»¹:

Համագումարի այս դիրեկտիվների կատարման համար ռեսպուբլիկայի պարտիական և սովետական կազմակերպությունները անց են կացնում հասպատասխան միջոցառումներ, որպեսզի շուտով սկսվի Արզնիգետի շինարարությունը, այն հաշվով, որ այդ հիդրոկայանը լրիվ կարողությամբ դործարկվի մոտ ապագայում: Քարվանսարայի հիդրոկայանի շինարարությունը նախատեսվում է հաջորդ հնգամյակում:

Այս էլեկտրակայաններից բացի, ռեսպուբլիկական կազմակերպությունները մշակել են միջին կարողության մի շարք հիդրոկայանների կառուցման պլանները:

Զարգացման մեծ հեռանկարներ ունի ռեսպուբլիկայի գունավոր մետաղաձուլությունը, քանի որ սովետական իշխանության տարիներին կատարված ընդարձակ երկրաբանական—հետախուզական աշխատանքների շնորհիվ հայտնաբերված տարբեր տեսակի գունավոր մետաղների խոշոր պաշարները բարենպաստ նախադրյալներ են ստեղծում արդյունաբերության այս ճյուղի հետագա ընդարձակման ու ծավալման համար:

Հետախուզական աշխատանքներ կատարվեցին ինչպես Հայրենական պատերազմից առաջ, այնպես էլ պատերազմի տարիներին: Սովետական Հայաստանի դիտնականները, Սովետական Միության խոշորագույն գիտնականների օգնությամբ սիստեմատիկ կերպով և հետևողականորեն հետախուզում էին մեր երկրի ընդերքը: Գունավոր մետաղների նոր հանքավայրերի հայտնագործման համար Հայաստանի մի խումբ երկրաբաններ արժանացան բարձրագույն պարգևի՝ Ստալինյան մրցանակի: Ռեսպուբլիկայի երկրաբանական հիմնարկներն ու գիտնական-երկրաբանները վերջին 2 տարվա ընթաց-

¹ Տե՛ս ՀԿ(Բ)Պ 15-րդ համագումարի բանաձևը, Հայպետհրատ 1951, էջ 14:

քում ավելի մեծ աշխատանք ծավալեցին ռեսպուբլիկայի բնական հարստությունների ուսումնասիրման գործում:

Այս առթիվ ընկ. Հարությունյանը ՀԿ(բ)Պ 15-րդ համագումարում տված իր զեկուցման մեջ ասաց. «Երկրաբանական-հետախուզական աշխատանքների ծավալը 1950 թվականին, 1948 թվականի համեմատությամբ, աճեց ավելի քան չորս անգամ: Այդ նույն ժամանակամիջոցում հալելու համար պատրաստված պղնձի և այլ գունավոր մետաղների պաշարներն ավելացել են 2—2 և կես անգամ»:

Նկատի ունենալով այս հանգամանքը, Հայաստանի բոլշևիկների 15-րդ համագումարը առաջարկեց ՀԿ(բ)Պ Կենտկոմին՝ միջոցներ ձեռք առնել եղած հնարավորությունները մաքսիմալ չափերով օգտագործելու համար, ռեսպուբլիկայի գունավոր մետալուրգիայի նոր, հզոր զարգացման համար: Համագումարի ընդունած քանաձևի մեջ ասված է. «Հատուկ ուշադրություն նվիրել դունավոր մետալուրգիայի արդյունաբերության հետագա զարգացմանը»:

Հայաստանի Կոմունիստական (բոլշևիկների) պարտիայի 15-րդ համագումարը կոնկրետ դիրեկտիվներ տվեց նաև արդյունաբերության մյուս ճյուղերի հետագա զարգացման մասին: Քիմիական արդյունաբերությունը, շինանյութերի արդյունաբերությունը և թեթև ինդուստրիայի ճյուղերը հաջորդ հնգամյակում պետք է զգալի չափերով ավելացնեն արտադրանքի թողարկումը, որպեսզի կարողանան բավարարել ռեսպուբլիկայի ժողովրդական տնտեսության և քնակշության աճող պահանջները:

Արդյունաբերության հետ մեկտեղ, հետպատերազմյան հնգամյակում մեծ հաջողություններ ձեռք բերեց նաև մեր ռեսպուբլիկայի գյուղատնտեսությունը: Գյուղատնտեսության պլանների կատարումն ու գերակատարումը բացատրվում է կոլխոզների հանրային տնտեսության ամրապնդումով, գյուղատնտեսության մեքենայացման մակարդակի բարձրացմամբ, գյուղատնտեսական մասնագետների թվի աճով և աշխատանքի նոր մեթոդների լայն կիրառմամբ: Հայկական ՍՍՌ գյուղատնտեսության տեխնիկական սպառազինության մակարդակի բարձրացումը հետպատերազմյան հնգամյակում նախապատերազմյան ժամանակաշրջանի համեմատությամբ, երևում է հետևյալ թվերից, 1950 թվին ՄՏԿ-ների թիվը ռեսպուբլիկայում, 1932 թվի համեմատությամբ ավելացավ 6,6 անգամ, իսկ 1940 թվի համեմատությամբ՝ 1,5 անգամ: Մեծացավ տրակտորների պարկը և տրակտորների միջին շտրվությունը: Դրա հետ մեկտեղ ավելացավ ՄՏԿ-ների աշխատանքի տեսակարար կշիռը՝ կոլխոզների բոլոր գյուղատնտեսական աշխատանքներում: Այսպես, օրինակ՝ եթե 1932 թվին ՄՏԿ-ների կատարած աշխատանքը կոլխոզներում կազմում էր վերջիններիս բոլոր աշխատանքների 38,9 տոկոսը, ապա 1950 թվին նա կազմեց 89 տոկոս: 1932 թվին ՄՏԿ-ները սպասարկում էին կոլխոզների ցանքատարածության միայն 36,4 տոկոսը, իսկ 1950 թվին՝ 93 տոկոսը:²

Գերակատարված է հնգամյակի առաջադրանքը հացահատիկային կուլտուրաների բերքատվության և համախառն բերքի մասին: 1950 թվին նրանց բերքատվությունը 1940 թվի համեմատությամբ աճեց 53 տոկոսով:

¹ Գ. ր. Հ ար ու թ յ ու ն յ ա ն, Հաշվետու զեկուցում ՀԿ(բ)Պ 15-րդ համագումարում, էջ 13—19:

² Տես Հայկական ՍՍՌ ԳԱ «Տեղեկագիր»-ը (հաս. դիտություններ), 1951 թ., № 3:

Ընդարձակվեց նաև տեխնիկական կուլտուրաների ցանքատարածությունը, բարձրացավ նրանց բերքատվությունը: Հնգամյակի ընթացքում տեխնիկական կուլտուրաների ցանքատարածությունը ավելացավ 17 տոկոսով, այդ թվում բամբակինը՝ 26 տոկոսով, շաքարի ճակնդեղինը՝ 48 տոկոսով, ծխախոտինը՝ 29 տոկոսով:¹

Հնգամյակի ընթացքում բամբակի հումքի համախառն բերքը աճեց 3,4 անգամ, ծխախոտինը՝ 2 անգամ, շաքարի ճակնդեղինը՝ 1,5 անգամ:² Նախապատերազմյան ժամանակաշրջանի համեմատությամբ զգալիորեն մեծացան գյուղատնտեսական մյուս կուլտուրաների ցանքատարածությունն ու բերքատվությունը:

Գերակատարվեց նաև հնգամյա պլանի առաջադրանքը՝ հանրային մթերատու անասնապահության գլխաքանակի աճի մասին: Խոշոր եղջերավոր անասունների գլխաքանակը կուխոզներում 1950 թվին նախապատերազմյան ժամանակաշրջանի համեմատությամբ աճեց 27 տոկոսով, ոչխարների ու այծերի գլխաքանակը՝ 72 տոկոսով, խոզերինը՝ 2,2 տոկոսով, թռչուններինը՝ 3 անգամ:

Գյուղատնտեսության նետագա զարգացման և գյուղի ու քաղաքի միջև զույլություն ունեցող տարբերության վերացման գործում մեծ նշանակություն ունի գյուղատնտեսության էլեկտրիֆիկացումը: Սովետական Հայաստանում վերջին հնգամյակի ընթացքում զգալի հաջողություններ են ձեռք բերված նաև այդ ուղղությամբ: Հինգ տարվա ընթացքում էլեկտրիֆիկացված կուխոզների թիվը մեծացավ համարյա 3 անգամ: Հնգամյակի վերջում էլեկտրիֆիկացված էր ռեսպուբլիկայի կուխոզների 213-ը:³

Հայաստանի գյուղատնտեսության զարգացման հեռանկարները սերտորեն կապված են ռեսպուբլիկայի ոռոգման ցանցի պլանաչափ ընդարձակման հետ: Ընչպես պատերազմից առաջ, այնպես էլ հետպատերազմյան հնգամյակի ընթացքում սովետական պետությունը հսկայական միջոցներ էր տրամադրում Արարատյան դաշտում կատարվող իրիգացիոն աշխատանքների համար: Հնգամյակի տարիներին մեծ աշխատանք կատարվեց այդ ուղղությամբ: Կառուցված և շահագործման են հանձնված Ստորին Զանգուի ջրանցքի առաջին հերթը, Կոտայքի ջրմուղ կայանը և այլն: Ավարստված են Արփա լճի ջրամբարի կառուցման աշխատանքները, ընդարձակ աշխատանք է ծավալված Թալինի ջրանցքի շինարարության, ինչպես նաև Արարատյան դաշտի ու Արազդալանի տափաստանի ճահճակալված հողերի շորացման ու յուրացման ուղղությամբ:

Հետպատերազմյան հնգամյակի կատարման շնորհիվ նախադրյալներ են ստեղծված մի շարք նոր, կարևոր խնդիրների կատարման համար, որոնք կանգնած են մեր ռեսպուբլիկայի գյուղատնտեսության առաջ: ՍՍՌՄ Մի-նիստրների Սովետը րեկեր Ստալինի ցուցումով 1950 թվի մայիսի 30-ին քննեց Սովետական Հայաստանում ցորենի արտադրությունը մեծացնելու և սեփական ցորենով ռեսպուբլիկայի կարիքները բավարարելու անհրաժեշտության հարցը: Այդ կարևոր խնդիրը պետք է կատարվի հաջորդ հնգամյակի ըն-

¹ Տես Հայկական ՍՍՌ Պետպլանի և վիճակագրական վարչության հաղորդումը:

² Նույն տեղում:

³ Նույն տեղում:

⁴ Նույն տեղում:

թացքում: Նա հանդիսանում է մեր ռեսպուբլիկայի գյուղատնտեսության կենտրոնական պրոբլեմը: Ընկեր Ստալինի այս ցուցումի իրականացման համար ՀԿ(Բ)Պ 15-րդ համագումարը ռեսպուբլիկայի ղեկավար օրգաններին տվեց հետևյալ դիրեկտիվը:

«Համագումարը նշում է, որ գյուղատնտեսության հետագա զարգացման ասպարեզում ռեսպուբլիկայի պարտիական կազմակերպությունների ղլխավոր խնդիրն է՝ պայքար մղել Միութենական կառավարության այն դիրեկտիվը կատարելու համար, որ պահանջում է ավելացնել ցորենի արտադրությունը, մինչև որ ամենամոտ տարիներս լիովին ապահովվի ռեսպուբլիկայի հացի պահանջը: Դրա համար անհրաժեշտ է գործադրել այնպիսի միջոցառումներ, որոնք ապահովում են ցորենի ցանքատարածության ավելացումը, նրա բերքատվության կրկնապատկումը՝ ագրոտեխնիկական միջոցառումների կոմպլեքսի գործադրման, հանքային պարարտանյութերի կիրառման, գյուղատնտեսական աշխատանքների մեքենայացման ծավալն ավելացնելու և հողագործության ընդհանուր կուլտուրան բարձրացնելու միջոցով»¹

Համագումարի այս դիրեկտիվի կատարման համար պետք է ավելացվի ոչ միայն հացահատիկային կուլտուրաների բերքատվությունը ռեսպուբլիկայում, այլև նրանց ու հատկապես ցորենի ցանքատարածությունը:

Նախատեսվում է, որ հացահատիկային կուլտուրաների ցանքատարածությունը 1950 թվի 280 հազար հեկտարի դիմաց 1957 թվին հասցվի 460 հազար հեկտարի, որից ցորենինը՝ 400 հազար հեկտար: Ցորենի բերքատվությունը այդ թվին պետք է կազմի մեկ հեկտարից՝ 22—25 ցենտներ:

ՀԿ(Բ)Պ 15-րդ համագումարում տված իր ղեկուցման մեջ ընկ. Հարությունյանը մանրամասնորեն տվեց այդ հոյակապ պլանի իրականացման պատկերը: Մեր ռեսպուբլիկայում ստեղծված են այն բոլոր ռեալ հնարավորությունները, որ անհրաժեշտ են հացահատիկային կուլտուրաների ցանքատարածության ընդարձակման և նրանց բերքատվության բարձրացման համար:

Սակայն, հացահատիկի պրոբլեմի լուծմամբ չեն սպառվում Սովետական Հայաստանի գյուղատնտեսության առաջ կանգնած խնդիրները: ՀԿ(Բ)Պ 15-րդ համագումարի որոշման, ինչպես նաև ընկ. Հարությունյանի ղեկուցման մեջ տրված են նաև այլ խնդիրներ, որոնց իրականացումը կհանգեցնի մեր ռեսպուբլիկայի գյուղատնտեսության հետագա բարգավաճման:

Անասնապահության հետագա քանակական ու որակական աճը, տեխնիկական կուլտուրաների բերքատվության բարձրացումը, իռիգացիոն աշխատանքների մեծ պլանի կատարումը և այս բոլորի հիման վրա աշխատանքի արտադրողականության բարձրացումը գյուղատնտեսության բոլոր ճյուղերում՝ կստեղծեն գյուղատնտեսական մթերքների առատություն, որը վճռական նշանակություն ունի սոցիալիզմից աստիճանաբար կոմունիզմին անցնելու գործում:

Հետպատերազմյան հնգամյակի տնտեսական պլանների հաջող կատարման ու գերակատարման շնորհիվ Սովետական Հայաստանում արմատապես

¹ ՀԿ(Բ)Պ 15-րդ համագումարի բանաձևը, էջ 17—18:

² Տե՛ս Գ. Բ. Հարությունյան, Հաշվետու ղեկուցում ՀԿ(Բ)Պ 15-րդ համագումարում, էջ 32:

լավացավ ռեսպուբլիկայի աշխատավորների նյութական և կուլտուրական դրությունը: Դրա լավագույն արտահայտությունը ամենից առաջ բանվորների ու ծառայողների թվի աճն է: Եթե կապիտալիստական երկրներում տարեց-տարի աճում է գործազրկությունը, ապա մեզ մոտ, ինչպես ողջ Սովետական Միությունում, այնպես էլ ազգային ռեսպուբլիկաներում ամեն տարի ավելանում է արտադրության մեջ զբաղված բանվորների ու ծառայողների թիվը: Այսպես, օրինակ՝ մեր ռեսպուբլիկայում 1950 թվին բանվորների ու ծառայողների թիվը կազմում էր 235 հազար մարդ, որը 1940 թվի համեմատությամբ 90 հազարով ավելի է:

Հայն սպառման ապրանքների գների սիստեմատիկ իջեցման շնորհիվ բարձրացավ սովետական ռուբլու գնողունակությունը: Դրանով իսկ մեծապես բարձրացավ ռեսպուբլիկայի բանվորների ու ծառայողների ռեալ աշխատավարձը: «Հաշվետու տարիների ընթացքում, — ասաց ընկ. Հարությունյանը ԼՂԲՊ 15-րդ համագումարում տված իր զեկուցման մեջ, — շարունակվում էր աշխատավարձի ֆոնդի անշեղ աճը: Ինչպես հայտնի է, պարենամթերքի և արդյունաբերական ապրանքների գների իջեցման ուղղությամբ կառավարության կիրառած միջոցառումների հետևանքով բանվորների ու ծառայողների ռեալ աշխատավարձը խիստ կերպով բարձրացավ: Դրա հետ միասին 1950 թվականին աշխատավարձի ֆոնդն աճեց՝ 1945 թվականի համեմատությամբ, 130,6 տոկոսով, այսինքն ավելի քան երկու անգամ, իսկ 1948 թվականի համեմատությամբ՝ 32,4 տոկոսով»:

Բանվորների ու ծառայողների նյութական դրությունը լավացել է նաև այլ ուղղություններով: Հետպատերազմյան հնգամյակի ընթացքում պետությունը հսկայական գումարներ բաց թողեց աշխատավորների կենցաղային ու կուլտուրական կարիքները բավարարելու համար (հատկացումներ սոցիալական ապահովության գծով, անվճար բուժ. օգնություն, անվճար ուսում, որակավորման բարձրացում պետության հաշվին, ամեն տարի տրվող արձակուրդներ՝ աշխատավարձի պահպանմամբ և այլն):

Ռեսպուբլիկայի աշխատավորների նյութական դրության բարձրացմանը զգալիորեն նպաստեց Հայն սպառման ապրանքների գների իջեցումը, որի հետևանքով խիստ կերպով լայնացավ սովետական առևտուրը: 1950 թվին բնակչությանը վաճառվեց շատ ավելի ապրանք, քան նախապատերազմյան 1940 թվին: Հետպատերազմյան հնգամյակի 2 տարվա ընթացքում, 1940 թվի համեմատությամբ վաճառվել է՝ մսեղեն — 65 տոկոսով ավելի, ճարպ՝ 97 տոկոսով, պանիր՝ 73 տոկոսով, շաքար՝ 50 տոկոսով, հրուշակեղեն՝ 96 տոկոսով, մականոնեղեն՝ 20 տոկոսով:¹ 1950 թվին արդյունաբերական ապրանքների վաճառքը, 1940 թվի համեմատությամբ աճել է՝ բամբակյա գործվածքներին՝ 40 տոկոսով, տրիկոտաժինը՝ 60 տոկոսով, կաշվե կոշիկեղենին՝ 23 տոկոսով, ռեզինե կոշիկեղենին՝ 109 տոկոսով, լվացքի օճառին՝ 178 տոկոսով:

Հայաստանի աշխատավորների նյութական դրության լավացմանը զգալիորեն օժանդակել է նաև կոմունալ և բնակարանային ընդարձակ շինարա-


¹ Դր. Հարությունյան, Հաշվետու զեկուցում ԼՂԲՊ 15-րդ համագումարում, ԼՂ 13

րությունը ռեսպուբլիկայի քաղաքներում ու գյուղերում: Պետական հիմնարկություններն ու ձեռնարկությունները և տեղական սովետները, ինչպես և քաղաքների ու բանվորական ավանների բնակիչները՝ պետական վարկի միջոցով կառուցել են 1 միլիոն 85 հազար բառակուսի մետր բնակարանային մակերես ունեցող բնակելի տներ: Բացի այդ, գյուղերում կառուցվել է 15 հազար բնակելի տուն:

Սովետական Հայաստանի աշխատավորության նյութական բարեկեցության սիստեմատիկ աճի հետ մեկտեղ, հետպատերազմյան հնգամյակում հաջողությամբ զարգանում էր հայ ժողովրդի ձեռք ազգային, բովանդակությամբ սոցիալիստական կուլտուրան: Ժողովրդական կրթության բոլոր օղակներում սովորողների թիվը (բացառությամբ ԲՈՒՀ-երում սովորողների) հրեզամյակի ընթացքում ավելացավ 50 հազարով և 1950 թվին կազմեց 312 հազար մարդ: Ռեսպուբլիկայի բարձրագույն ուսումնական հաստատություններում 1950 թվին սովորում էր 15 հազար ուսանող՝ 1940 թվի 11 հազարի դիմաց: Հայաստանի ժողովրդական տնտեսությունը հնգամյակի ընթացքում ստացավ բարձրագույն կրթություն ունեցող 6 հազար մասնագետ և հատուկ միջնակարգ կրթություն ունեցող 8 հազար մասնագետ: Գիտահետազոտական հիմնարկների ցանցը Հայկական ՍՍՌ-ում 1950 թվին նախապատերազմյան ժամանակաշրջանի համեմատությամբ ընդարձակվել է 1,6 անգամ, իսկ այդ հիմնարկներում աշխատավորների թիվը ավելացավ 2,5 անգամ:

Հետպատերազմյան հնգամյակի ընթացքում հայ ժողովրդի ձեռք բերած հսկայական պատմական նվաճումները բացատրվում են ամենից առաջ մեծ Ստալինի և բոլշևիկների պարտիայի փառապանծ շտաբի՝ ՀամԿ(բ)Պ Կենտկոմի օգնությամբ և այն բանով, որ Հայաստանի կոմունիստական (բոլշևիկների) պարտիայի կենտրոնական կոմիտեն անշեղորեն իրականացնում էր մեծ առաջնորդի ցուցումները:

Հայ ժողովուրդը, ոգեշնչված սոցիալիզմի երկրի մեծ նվաճումներով, եղբայրական ժողովուրդների մեծ ընտանիքում վստահորեն ու հպարտ ընթանում է դեպի կոմունիզմի շողջողուն գագաթները:



¹ Տե՛ս Գ. Բ. Հ ա ր ո թ յ ու ն յ ա ն, Հաշվետու ղեկուցում ՀԿ(բ)Պ 15-րդ համագումարում, էջ 73: